



D. O. M.
 T H E S E S
 A N A T O M I C O - C H I R U R G I C Æ.



PRÆ cæteris bonis Sanitas ; amissam idcirco cuilibet restituere sedulo conatur Chirurgia. Singulas microcosmi vias scalpello armata perlustrare amans, naturæ vestigia rimatur, tramites humorum callêt ; & œconomix animalis ministra, ut & solidorum, sic & fluidorum pravam diathesim emendare studet ; exsuperantes minuit, retentos educit, effusos eliminat, aberrantes avertit, noxios exhaurit humores ; nec quidquam omittit ut scopum attingat : medicamenta, ferrum, & ignis, in ipsius manu æquâ lance versantur. Illa nunc seorsim, tunc simul, modò adversus peculiare, jam contra prævalidum adhibet pathema ; quin etiam labem, quæ aliter deleri nequit, aggredi non dubitat : hanc allicit, viam ipsi parat, & prodeuntem foras expellit, quousque natura sublevetur : uno verbo, Cauterium seu Fonticulum admover.

CAUTERIUM, juxta vim nominis, idem sonat ac corpus urens. Non tamen eodem sensu semper accipitur. Nonnunquam enim ignem, aut corpus igne candens vel fervescens, & Cauterium actuale ; alibi medicamentum vim urentem exerens, & Cauterium potentiale ; sæpè

A

ſœpiùs quãdam ulceris cutanei ſpeciem, arte promoti, & in cujus cavitatem immittitur corpus rotundum favens humorum effluxui; ſignificat, & Fonticulus, Fontanella, Cauterium audit.

CAUTERIUM ſub ultimo reſpectu jam jam conſiderabimus; porro cauterium, prout fonticulus, promovetur mediantibus medicamentis, aut igne, aut instrumento ſecante. Variis in corporis humani partibus celebratur. Sed ubicumque reperiatur, cutis & textus cellularis ſedem ipſius conſtituunt; itaque cutem & textum folliculoſum paucis perpendere juvat, deindè varia cauteriorum media.

CUTIS eſt quãdam membranæ ſpecies, craſſæ, compoſitæ, & totum corpus humanum involvens. Pluribus præcipuis conſtat partibus. 1°. Exteriori, tenui, pellucidâ, ſquamis adinvicem appoſitis, & innumerâ foraminulorum copiâ pertuſis compoſitâ, quæ ob ſitum Epidermis, & ratione conſiſtentiæ Cuticula dicitur. 2°. Alterâ ſubjacente, mammillis nervoſam referentibus indolem conſtatâ, & Mammillaris nuncupatur. 3°. Congerie vaſorum interſtitiola relinquendum, liquore mucoſo, facilè concreſcente, nec non papillis nerveis repleta; indè corpus Reticulare, ſimul & Mucoſum inſtituitur. 4°. Membranâ interiori, denſiori, fibris nerveis, tendineis, aponevroticis, intricatâ admodum ſtructurâ donatis conſtante; pro Corio agnoſcitur.

TOTA illa communis membrana adhæret partibus quas involvit mediante ſubſtantiâ membranaceâ, tenui, cellulofâ, adipoſo liquore, plùs minùſve fluido, ut plurimùm turgidâ, quæ ſubit interſtitia non ſolùm muſculorum, ſed & horumce fibrarum; & inſuper, quod maximè notandum, concomitatur membranas pectus & abdomen viſceraque in ipſis contenta veſtientes. Nervi, vaſa ſanguifera & lymphatica, hæſce cellulas percurrunt, & illarum beneficio locum diviſionis expansionisque paſſim reperiunt. Tandem duce textu cellulari, ab interiori ad exteriorem corporis partem, cutem ſcilicet perveniunt. Sicut in cute, ſic & in textu celluloso pori demonſtrantur; illi tranſpirationi externæ, iſti verò tranſpirationi internæ favent (a). Hinc patet quanta ſit cutis cum partibus ſubjacentibus conſœderatio, quam intimus inter illas conſenſus (b), tum ex parte vaſorum, nervorum, textûs cellularis, tum ex parte functionum, proindèque affectuum, ſive phyſiologicorum, ſive pathologicorum. Ne mireris ergo cauterium, ſedem obtinens in cute & textu cellulari, tam multa, ut ita dicam, patrare miracula, etiam in penitioribus corporis reſſibus.

CONNEXIO cutis cum partibus vicinis non eſt ſemper æqualis; modò ſtriſta, nunc laxior. Subjacentes autem illæ partes ſunt membrana communis muſculorum, aponevroſes, tendines, fibræ car-

(a) Diſſertationes Phyſiolog. de perſpiratione viſcerum, auct. C. Aug. de Bergen. Francofur. ad Viad. an. 1738.

(b) Diſſert. de conſenſu partium Dan. Langhans. Gotting. 1749.

neæ, vasa, nervi, glandulæ, ligamenta, periostium & ossa. Ab harumce partium læsione inter cauterii celebrationem abstinendum est, propter accidentia subsequutura; eligantur ergo puncta quæ tutiorem præbent ansam. Sed Natura, nostra mala prævidens, locum cauterii assignasse videtur. Fossulas, seu cavitates idoneas, hinc & inde in superficie corporis insculpsit, quæ in nuchâ, brachiis, femoribus, tibiis, primo intuitu sese præbent. Cave tamen ne faciliori datâ occasione fallaris. Medium cellulare & adiposum non eundem apud omnes offert parietem, etiam in punctis designatis. Partes idcirco vicinas & subjacentes in memoriam revoca, ut illas ab actione cauterii protegas, aut si forsân affectæ fuerint, certius curare valeas.

NUCHÆ nomine hîc intelligenda venit fossula immediatè pone & infra caput posita, inter primam & secundam colli vertebra. Adipis equidem copiam & crassitiem non minores offert, sed fasciolam tendineam subimpositam continet, id est ligamentum cervicale posterius (a); quo sublato, occurrit adipis & textûs membranacei collectio notanda, musculos rectos majores & minores obtegens; quibus remotis, duæ superiores sese produnt vertebrae quibus adhærebant ligamentum & musculi. Si brachium attollatur, sive flexo, sive extenso cubito, cavitas faciliè animadvertitur in parte ipsius externâ propè medium: ibi desinit extremitas inferior & tendinea musculi deltoïdis; mox oritur caput musculi brachialis, & à lateribus transeunt biceps & anconæus externus: vena cephalica bicipitem & deltoïdem legens, ex uno latere, tendo musculi deltoïdis, ex alterâ parte, protegi debent ab actione cauterii; quamobrem, latus alterum, seu posterius, eligunt quidam practici, nec immeritò, pro cauterii sede, licèt deligationis opus ægrotanti vix permittat. In parte internâ & inferiori femoris observatur cavitas, inter musculos vastum internum & sartorium; saphenæ internæ ramus major per medium cavitatis transit. In parte superiori & internâ cruris, infra eminentiam seu caput tibiæ, fossula conspicitur per quam ut plurimum divaricatur saphena interna; supernè, à lateribus, & infrâ, veniunt annotanda, expansio aponevrotica extensorum cruris, periostium, tibia, & membrana aponevrotica musculo gastrocnemio superimposita. Pone genu, inter duo capita gastrocnemii, altera deprehenditur cavitas, quam vena suralis prætergreditur; difficultas deligationis, & accidentia quæ pluriès subsequuebantur, in causâ fuerunt cur locus ille relinqueretur.

BRACHIUM, femur, & pars interna tibiæ frequentius eliguntur ad applicationem cauterii, propter sitûs commodum, facilioremque ipsimet ægrotanti conciliandam deligationem.

NUCHA hæc infrequentè, morborum capitis curationis ergo, recipit cauterium; cui tamen sæpè sæpius setaceum substitutum fuisse, & adhuc substitui videtur, potiusquam in aliis partibus; cujus

(a) Winsl. Exp. An. Tr. des Os frais. n°. 330.

quidem encheïresis ratio forsân repetenda, tum à metu læsionis partium subjacentium, quæ cavitatem ut par est altam vix sustinere possunt absque illarum detrimento, tum ab incommodo & difformitate deligationis, ad cauterium sustinendum, & corpus medium supurationem promovens, requisitæ, inutilis verò respectu feracei emplastro agglutinante facilè continendi. Præter illas cauterii sedes, fontanella, seu pars superior calvariæ, & occiput, ab Antiquis frequentius cauterisabantur. Inguina & pedes, prout humorum effluxus haud rarò excipientia, cauteriis pariter aperiabantur, & aperta servabantur. Tandem Veteres efficaciorè medelam in cauterio agnoscèntes, illud ferè ad omnes corporis partes, pro variâ sede morbi, admovebant, ossibus etiam aliquandò non parcentes (a). Nunc cognitio cauteriorum sedibus præcipuis, secunda pars propositi nostri venit adimplenda, scilicet mediorum expositio.

INTER medicamenta quæ vim cauterii exhibent, solida præ cauteris adhibentur ad institutionem cauterii, qualia sunt lapis infernalis, & varii lapides caustici, quorum formulæ passim in dispensatoriis occurrunt (b); inter alia primas tenent cauteria quæ dicuntur ferica, vel holoserica (c).

IGNIS ad cauteria promovenda suppeditari potest, ope luminis caustici (d), metalli candentis, auri, argenti, ferri, chalybis, cupri, plumbi usti, oleorum fervidorum, fungi, & variarum radicum vel ustarum, vel mediante moxâ (e); aut etiam clave quolibet, pulvere pyrio, prunisve accensis, parti applicatis (f). Sed ferrum candens cæteris substituitur, cum felici successu (g).

METHODUS quæ celebrat cauterium instrumento secante, lanceo-lam, scalpellum, forfices, ad id, mittit in usum.

QUOCUMQUE medio utatur Chirurgus, æger parandus; venæsectio, alterantia, evacuantia, præcavendorum accidentium gratiâ, præmitti debent, pro re natâ. Apparatus deindè disponendus, & ægotans in situm idoneum collocandus; pars pilis denudanda; tum, si cauterium potentiale adhibeatur, emplastrum agglutinans, perforatum, circa locum caustici applicandi admoveatur, ne partes ipsius ultrâ progrediantur. Jam lapidem imponere, gossipio, aut linteo

(a) *Histoire de la Médec. de Lecler part. 1. liv. 3. ch. 28. p. 229. & suiv. & Hist. de la Médec. de Freind. p. 15. & suiv. p. 179. & suiv.*

(b) Horum enumeratio. Vide in *Diction. Medic. D. James. tom. 2. p. 202. & seq.*

(c) *Oeuv. Chirurg. d'Amb. Paré, liv. 26. ch. 32. & Recueil des Pièces qui ont concouru pour le Prix de l'Académie Royale de Chirurg. an. 1748.*

(d) *Act. erud. Lips. an. 1693. Jun. p. 247. & seq.*

(e) *Hæsteri Instit. Chir. p. 2. sect. 1. cap. 23. p. 452.*

(f) *Differt. de Clave Alyss. Au. R. J. Camerario & I. C. Schaff. Tubing. an. 1709.*

(g) *Recueil des Pièces qui ont concouru pour le Prix de l'Acad. R. de Chirurg. an. 1755.*

carpto, involvere, deligationeque idoneâ continere (a). Cavendum ne diutius remaneat; itaque, intensitatem ipsius virtutis causticæ prius agnoscere debet Chirurgus, & sedulò animadvertere quid egerit, post temporis intervallum præcognitum sufficiens ad crustæ efformationem. Eschara ritè perfectâ scalpello cruciatim incidi debet usque ad cutem vivam circumjacentem, ut facilius separetur; mox corpus medium immittendum, ad suppurationem promovendam; escharâ delapsâ, suppuratio fovenda, & carnes in debito statu continendæ. Pisum, aut globulus ex radice iridis florentinæ, vel gentianæ, confectus, competunt dilatationi, & suppurationi ulceris conservandæ. Folia hederæ arboreæ, vel unguenta suppurativa, puris excretionem accelerant. Globuli aurei, vel argentei, aut etiam plumbei, vel eburnei, possunt substitui pisco & globulis supradictis, quando satis ampla remanet cavitas ulceris, nec indiget dilatatione, aut quando pars cauterisata validos motus agere cogitur: nam cum sit levis & polita globulorum horumce superficies, carnes non læduntur, & sanguinem non tam faciliè emittunt. Tanquam inutile haberi non debet foramen in pisco aut globulis fabrefactum; per illud enim trajicitur filum quo retinetur globulus, & impeditur ne locum mutet fonticulus hinc & inde gradiendo, sicut pluriès evenit.

Si cauterium actuale adhibeatur, partes ambientes prius obtegantur, (b) cauterium applicetur, & escharâ perfectâ, subito removeatur; nunc, sicut in methodo præcedenti agere superest.

Ut instituat cauterium ope instrumenti secantis, idest lanceolæ, aut scalpelli, quod anteponimus, cutis sursum attollatur, & elata apprehendatur à Chirurgo, ex uno latere, & à ministro, ex altero; deinde pars media secetur. Statim in cavitatem immittatur corpus medium, & duobus vel tribus diebus apparatu idoneo contineatur. Reliqua pars encheîresis eadem est ac post escharam delapsam, in aliis methodis. Cæterum, rarior aut frequentior esse debet deligatio cauteriorum, pro calore tempestatis, & puris effluxu, minoribus aut majoribus. Fasciæ antiquorum fascia vulgaris non malè substituitur.

SINGULAS è tribus cauterii speciebus modò enumeratas, pro variis casibus, admittendas censemus. Scilicet cauterium potentiale, quando ferrum & ignem omninò respuit æger; actuale, quando subita & valida requiritur actio, sive ad revellendos humores vitæ minitantes, sive ad systema nervosum potentiùs excitandum. Præter illos casus, instrumentum secans anteponimus. Ex ipsius actione minus periculi exurgit, & fonticulus celerius instituitur.

(a) Si foramen emplastrî non sit majus lapide caustico, juvat prius applicare gossipium infra emplastrum, ad circumferentiam aperturæ. Sic enim impeditur ne lapis cum calefacto & liquecente emplastro circumcirca subrepat.

(b) Sculteti Armamentar. Chirurg. Tab. 1. nec-non Append. Instrument. Chirurg. Tab. 1. Confer, de fonticulis inurendis.

CAUTERIUM quoties præscribit ratio multiplicari potest. Sic Naturam (a) imitatur Ars, plurimas sibi aperiendo vias ad humores foras expellendos. Cauterium, seu fonticulus, claudi potest, sed non nisi deficiente morbo (scilicet quando jam à longo tempore fuit institutum) & tunc pariter non nisi debitâ adhibitâ cautelâ. Humorum effluxus per vias naturales excitandus quantum fieri poterit. Pluribus apposis fonticulis, omnes simul claudere nefas; ab uno ad alterum gradatim progrediendum, ut paulatim affuescat œconomia animalis modicæ evacuationi, & tandem ipsius absentiam omnino pati valeat.

CAUTERIA non semper quolibet accidente vacant, præsertim vitio interno prædominante. Œdema, inflammationes, hæmorrhagia major vel minor, abscessus, gangræna, convulsiones, &c. cauteriorum applicationem subsequi possunt (b). Undè si quædam superveniant, illorum causa attentè considerari debet, ut debelletur; pro ipsius indole, interim mediis affectuum præsentium therapeuticis in usum advocatis. Hæc autem accidentia facilius debellantur in extremitatibus superioribus, quàm in inferioribus; quâ de causâ, in casu labis prævalidæ, verbi gratiâ Scorbuti, tutius instituitur fonticulus in brachiis, quàm in pedibus.

CÆTERUM, à mente non discedat quanta sit cauteriorum vis efficax (c) contra numerosam morborum cohortem; tanquam media humanitati divinitus concessa facilè spectabuntur.

(a) Miscella. cur. Dec. 1. an. 2. 383. Fonticulorum naturalium exempla. leg.

(b) Fab. Hildan. ob. Chir. c. 4. ob. 72. c. 1. ob. 64. c. 4. ob 73.

(c) Consul. Eximi. Frider. Hoffmanni Dissert. de Vesicantium & Fonticulorum circumspccto usu. tom. 6. p. 67. Collect. Oper.

De maux Has Theses. DEO JUVANTE, & Præside M. STEPHANO-PETRO LELAUMIER, Artium & Chirurgiæ Magistro, tueri conabitur JOANNES-BAPTISTA DE CHEVERRY, Meldensis, in Alimâ Universitate Parisiensi Artium Liberalium Magister.

PARISIIS.

IN REGIIS CHIRURGORUM SCHOLIS;

Veneris 17^a

Die Sabbati 18^a. Octobris, à sesqui-secundâ post meridiem ad septimam.
anno R. S. H. 1760.

PRO ACTU PUBLICO
ET MAGISTERII LAUREA:

Typis P. AL. LE PRIEUR, Collegii & Acad. Reg. Chirurg. Typographi 1760.